

laburrean

■ Elkarlana sakontzeko borondatea agertu dute EHUko eta NUPEko errektoreek

PELLO SALABURU Euskal Herriko Unibertsitateko (EHU) errektorea eta Antonio Perez Prados Nafarroako Unibertsitate Publikokoa (NUP) Iruñean bildu ziren herenegun bi unibertsitateen arteko elkarla aztertzeko. Biler horretan, errektoreek irakasle eta ikertzaileak trukatzeko aukera aztertu zuten. Horrez gain, ikasgaien konbaldatzea onartu zuten, baldin eta zentro bateko ikasle batek bestean matrikulatzea erabakitzen badu. Bi errektoreak pozik agertu ziren Natur Zientzien gaiaren inguruan elkarlanean egiten ari diren doktoretzak izan dituen emaitzekin. Bi unibertsitateetako ordezkari nagusiak beste arlo batzuetan elkarlana sakontzeko prest agertu ziren, hala nola hirugarren zikloko programetan.

■ Gizon bat hil da itota Zarauzko hondartzan

ZARAUZKO HONDARTZAN (Gipuzkoa) bainua hartzen ari zen gizon bat ito egin zen atzo arratsalde. 17:15ak aldera, artean bizirik zela ateratu zuten sokorristek uretatik, baina anbulantzia sartu eta ospitalera eramanez aurretik hil egin zen. Gizona erreanimatzen saiatu ziren Gurutze Gorrikoak baina alferrik izan zen ahalegina. I.E.G. izena du hildakoak, eta 34 urte zituen. X

■ Arabako Diputazioak galarazi du sua piztea probintziako mendietan

ARABAKO FORU DIPUTAZIOKO Nekazaritza Sailak debekatu du, foru dekretu baten bidez, sua piztea herrialde horretako edozein menditan, horretarako baimenik eduki gabe. Horrez gain, uztondoak eta nekazaritzako soberakinak erretzea ere galarazi du Diputazioak dekretu horretan. Baimena lortzeko eskaerak Diputazioako Erregistro Nagusian aurkeztu behar dira abuztuaren 22a baino lehen. Gainera, baimena lortu arren, debekatuta egongo da sua piztea larunbat eta jaiegunetan. Horrez gain, hego haizea dabilenean edo sute bat eragiteko aukera dagoen egunetan ezin izango da sua piztu. Bidenabar, sua piztu ondoren, sutea eragiteko arriskua sumatuz gero, berehala itzali beharko da. Debekuari muzin egiten dionari 3.000 eta 76.000 pezeta bitarteko isuna jar diezaiokete. X

■ Santurtziko taberna batean erori eta gero hil zen gizonaren heriotza ari da ikertzen Ertzaintza

ERTZAINZA ikertzen ari da Santurtziko (Bizkaia) taberna batean joan den uztailaren 12an izan zuen erorikoaren ondorioz hil zen gizonezkoaren heriotza, jakiteko ea eztabaida politikoren baten ondorio izan zen ala ez. Egun horretan Miguel Angel Blanco Garrido hil zen, Lasarte-Oriako auzo batean ETAK egin zizkion bi tiroen ondorioz, eta Ertzaintza ikertzen ari da Santurtziko Manuel R.F. gizonaren heriotzak zerikusia duen gai horren inguruko eztabaida eta borrokaren batekin. Tabernaren jabeak erabat ukatu du hildakoak eztabaida izan zuela tabernan ziren beste pertsona batzuekin. Haren hitzetan, gertaera gaueko 22:30ak aldera gertatu zen tabernan bospasei bezero zeudela, denak afiliazio politiko ezagunik gabek. Gizona nola erori zen ez zuela ikusi gaineratu zuen, edari bat kobratzen ari baitzen, barrari bizkar emanez. Hala ere, norbaitek bultzatu izana litekeena dela onartu zuen. Manuel R.F. gertaera izan eta 11 egunen buruan hil zen Gurutzetako ospitalean. Lehen egunean koman ospitaleratu zuten, toxikazio etilikoarekin. X

■ Basauriko % 60 preso hezkuntza programetan aritu ziren iaz

BASAURIKO kartzelako presoen % 60k parte hartu zuten Espetxe Erakundeek eskaini zituzten hezkuntza programetan, Gobernuaren Bizkaiko Ordezkariordeztak egin duen memoriaren arabera. Basaurin izan ziren 279 presoetatik 234k interesa azaldu zuten ikasketak egiteko. 30 preso alfabetatze programetan aritu ziren, astean hamar orduz, 34 ikaslek ikasketen ziurtagiria lortu zuten astean 15 orduz aritu ondoren, eta 30 ikaslek eskola graduatua ateratu zuten astean 17 orduko eskoletan. Horrez gain, beste arlo batzuetan ere aukera izan dute presoek ikasketak egiteko: unibertsitatean sartzeko ikas-turtean sei preso aritu ziren, Batxilergoan sei aritu ziren eta Unibertsitateko ikasketak egiten beste seik jardun zuten. Gainera, hizkuntzak ikasteko aukera ere izan zuten Basauriko presoek. 30 euskara ikasteko eskoletan aritu ziren, eta beste 30 gaztelania ikasteko eskoletan. X

■ Pasaiaiko portuan txatarra ostetik bizi dira langabe asko

PASAIKO portuan urtero iristen diren kobre, brontze eta aluminio tona ugariatatik zenbait pieza lapurtzea hainbat pertsonaren bizibide bihurtu da azken hilabeteotan. Pertsona horietako gehienak epe luzeko langabeak dira, atzo Efe agentziak zabaldu zuenez. Piezak lapurtu ondoren, kaitik gertu diren saltokietan saltzen dituzte, diru gutxiren truke. Pasaiaiko portuko estibatzaile eta garabi gidariekin bitxi saltzaile deitzen diete. Antza denez, txatarra ostu ondoren, trenbidea gurutzatu behar izaten dute harrapatuak izan gabe alde egin ahal izateko, eta horrek ere arrisku handia du. Ondoren, gainera, N-1 autobideko bi karrilak ere gurutzatu behar dituzte, eta, beraz, arriskua handitu egiten da. X



Jose Angel Cuerda, Gasteizko alkatea, artxiboko irudi batean.
OLALDE

Cuerdak «galtzak jaitsi ditu», PSE, PP eta UAk salatu dutenez

HB eta ingurukoaren presioari amore eman diola uste dute

Gasteizko Andra Mari Zuriaren jaietan txosnak jartzeko Jose Angel Cuerda alkatea (EAJ) eman duen baimena gogor kritikatu dute PSE-EE, PP eta UA alderdiek. «HB eta ingurukoaren aurrean galtzak jaitsi ditu alkateak», esan du Andres Sanchez PSE-EEko alkateordeak.

Efe / Gasteiz

GASTEIZKO jaietan txosnak jartzeko debekua altxatzeko Cuerda alkatea hartu duen erabakiak eztabaida sortu du. PSE, PP eta UA alderdiek gogor kritikatu dute alkatearen erabakia. «HB eta ingurukoaren aurrean galtzak jaitsi ditu», esan dute. Andres Sanchez alkateorde sozialistaren ustez Cuerdak atzera egin du. «Festetan biolentzia eragiteko mehatxuaren ondoren, alkateak atzera egin du. Penagarria izan da, herri honetan askatasunik ez dagoela ikusi ahal izan dugu». Herri Batasuna (HB) bakartzeko gainontzeko alderdi politikoak egiten ari diren ahaleginean

«atzerapauso bat da» erabaki hori, Sanchezen ustez. «HBk eta ingurukoak kontrolatzen duten eremua bilakatu da txosnena. Gasteiztarrek pentsatuko dute Cuerdak galtzak jaitsi dituela».

PPko Miguel Angel Etxebarria zinegotziaren ustez ere, txosnak baimentzeko alkateak kaleratu behar duen ebazpenak «alkateak galtzak jaitsi dituela erakusten du». Alkatearen eta HBren arteko balizko hitzarmen baten inguruan mintzatu zen Etxebarria: «Nahiago izan du HB eta ingurukoekin hitzarmen bat egin festa baketsuak izateko. Nik ez ditut txosnak bakeagatik aldatzen».

UAk ere bat egin zuen PSE eta PPK Cuerda alkateari egindako

kritikekin. «Jai eremu hau arautu beharra dago. HB eta bere inguruko laguntzaileek, indarrean dauden legeei muzin eginez eta festa gune alternatibo hau bere eginez, ezin dute bertean gertatzen dena kontrolatu eta antolatu, KAS alternatibaren gunea bilakatu».

Alkatearen ebazpenarekin, ordea, ez dira hain zorrotz agertu UAKoak: «Jaiak giro baketsu eta alaietan ospa daitezkeen lortzeko balioko duela espero dugu».

PPren txosna Bilbon • PP alderdiak, berriz, Bilboko Aste Nagusian txosna jartzeko baimena eskatu du lehenbiziko aldiz, PPko Leopoldo Barredak baieztatu duenez. «Aurrerapauso bat emateko era bat da, ezinezkoa iruditzen zitzaigun zerbait egitea da. Azken finean, normaltasuna bultzatzea», esan du Barredak. *Kaioak* izeneko txosna Bilboko Bizkaia Plazan jarriko du PPK. X

HB: «Gobernua kaskailukeriaz saiatzeko ari da urtegiarekin aurrera egiten»

■ Patxi Zabaleta: «Epaia Nafarroako Administrazioa jipoitu egin du»

Erredakzioa / Iruñea

PATXI ZABALETA HBko parlamentarioaren aburuz, «Nafarroako Gobernua kaskailukeriaz ari da Itoizko urtegiaren eraikuntzarekin aurrera joko duela esaten, eta bene-benetan ez da ematen ari latsa besterik». Zabaletak adierazi zuenez, «azpi-azpian agerian geratzen ari dena da ez zaiola axola epaileek zer esaten duten, eta ez zaiola axola gizarteak zer esaten duen».

HBk prentsaurrekoa egin zuen atzo Auzitegi Nagusiak Itoizko urtegiari buruz plazaratutako epaiaren inguruan, eta Zabaletak

adierazi zuenez, epaiak argi eta garbi utzi du «bertan behera utzi beharra» dutela eraikuntzako lana. Izan ere, «arrazoi emanez neurri txiki batean Estatuak zioenari, legekotzat jotzen da urtegiaren zati bat, baina legez kanpo uzten da urtegiaren zatirik handiena. Hori horrela izanik, hemen momentu honetan egiten ari diren lanak ezabatua dagoen proiektu bateko lanak dira, eta bertan behera utzi beharrekoak dira», gaineratu zuen HBko abokatuak.

Horrenbestez, HBren ustez, «epai horretan jipoirik handiena, jipola ematen bazaio inori,

Nafarroako Gobernuari berari ematen zaio, hain zuzen ere osotara baztertuz haren eskariak eta zigortuz errekurtsorearen ordainak ordaindu behar izate-ra». Patxi Zabaletak esan zuenez, «UPNk hainbestetan saldu nahi izan duen itxura, berak ardura jartzen zuela eta Estatua zela behar adinako ardura jartzen ez zuena, guztiz ezeztatuta gelditzen da».

Gobernuak irudi garbiketan aritzen den multinazional bat, Burson-Marsteller, kontratatu berri du urtegiaren irudia hobetzeko. Zabaletaren iduriko, hori «zabarkeriaz» jokatzeko da. X